

इवनिंग डोगरी न्यूज़ बुलेटिन

समे .18:15 Hrs

<><><><><><>

Headlines

- 1 प्रधानमंत्री नरेंद्र मोदी होरें अज्ज SOUL कन्क्लेव दे पैहले संस्करण दा उद्घाटन कीता। उनें आखेआ जे भारत गी उर्जावान नेताएं दी लोड़ ऐ तां जे वैश्विक चुनौतिएं ते समस्याएं दा हल तुप्पेआ जाई सकै।
- 2 विधानसभा दे स्पीकर होरें नमें विधान परिसर दे निर्माण कम्मै दा जायजा लैता। इस कम्मै गी समेंसिर पूरा करने दी हिदायत कीती।
- 3 बन्ने दे तनाजे दे चलदे भारत-पाकिस्तान दी फौजें दे कमांडरें पुंछ दे चक्कां दा बाग थाहर फ्लैग मीटिंग लाई।
- 4 मुख सचिव अटल डुल्लू होरें आखेआ जे रूक्ख-बूहटें थमां रैहत होई चुके दे जंगलें दी पुर्णबहाली आस्तै कार्ययोजना बनाने पर जोर दित्ता। उनें जंगलें ते वेटलैंड्स गी बचाने आस्तै जत्त तेज करने लेई आखेआ।
- 5 जम्मू-श्रीनगर राश्ट्रीय जरनैली शिड़क पर रातीं भर गड़िणं दी आवाजाही बंद रौहने मगरा अज्ज बडुलै बहाल होई गेई।

<><><><><><>

प्रधानमंत्री नरेन्द्र मोदी होरें अज्ज नमी दिल्ली दे भारत मंडपम च स्कूल ऑफ अल्टीमेट लीडरशिप-सोल कॉन्क्लेव दे पैहले संस्करण दा उद्घाटन कीता। भूटान दे प्रधानमंत्री दशो त्सरिंग टोबगे होरें इस मौके पर मुख भाषण दिता। उनें भारत सरकार दे केई सारे जतनें गी उजागर कीता जिन्दे च पीएम आवास योजना, जल जीवन मिशन ते पीएम गति शक्ति योजना शामिल ऐ। इस मौके पर बोलदे होई प्रधानमंत्री होरें आक्खेआ जे भारत इक वैश्विक ऊर्जा दे केन्द्र दे तौर पर उभरा र दा ऐ। देसे गी हर क्षेत्र च ऊर्जावान नेताएं दी लोड ऐ। प्रधानमंत्री होरें जन से जगत ते व्यक्ति निर्माण से राष्ट्र निर्माण दे मंत्र गी सांझा कीता। उनें आक्खेआ --(बाईट)

मोदी हुंदे आस्सेआ परिकल्पित सोल पैहल दा उद्देश्य भारत दी प्रगति लेई प्रमाणिक करना ऐ। दऊं रोजा सम्मेलन नोजवानें गी प्रेरित करोग ते नेतृत्व उत्कृष्टता गी बढ़ावा देग ते बक्ख-बक्ख क्षेत्रें दे नेताएं गी किट्टे करोग।

<><><><><><>

Speaker

जम्मू-कश्मीर विधानसभा दे स्पीकर अब्दुल रहीम राथर होरें जम्मू च नमें बनाए गेदे विधानसभा परिसर दे निर्माण कम्में दी समीक्षा कीती। बैठक च कई आला अफसर बी मौजूद हे। पीडब्ल्यूडी मैहकमे दे सचिव भूपेंद्र कुमार कानून, न्याय ते पार्लियामानी मामलें दे सचिव अच्छल सेठी ते होरनें मुतलका मैहकमे दे अधिकारियें बैठक च हिस्सा लैता। इस दौरान कई मामलें पर व्यापक विचार-विमर्श कीता गेआ ते एग्जीक्यूटिव इंजीनियर हुंदे आसेआ पावर प्वाइंट प्रेजेंटेशन राहें परियोजनां दे कई चरणें च होई दी प्रगति बारै दस्सेआ दसाया गेआ। स्पीकर होरें मुतलका एजेंसी गी निर्देश दित्ता जे इस परियोजना दा सारा कम्म तय समें-सीमा दे अंदर-अंदर सबूरा करना यकीनी बनान।

<><><><><><>

Flag-Meeting

भारत ते पाकिस्तान दी सेनाएं बश्कार अज्ज पुंछ जिले च कमांडर सतह दी फ्लैग मीटिंग कीती गेई। आकाशवाणी दे जम्मू संवाददाता दी जानकारी मूजब एह मीटिंग पुंछ जिले दे चक्कां दा बाग च नियंत्रण रेखा दे एलओसी क्रासिंग पॉइंट पर होई जेदे च दौनें पक्खें दे वरिष्ठ अधिकारियें हिस्सा लैता। राजौरी-पुंछ ते जम्मू जिलें च हाल च होई दी एलओसी पर गोलीबारी ते आई.ई.डी बिस्फोटें आहली घटनाएं दी पछोक्कड़ै च इस इस मीटिंग दा

आयोजन कीता गेआ। दौनें मुल्खें दी सेना दे वरिष्ठ अधिकारियें तनाव घट्ट करने दे तरीकें पर चर्चा कीती। इस मीटिंग दा मकसद पाकिस्तानी सेना आसेआ परती-परतियै कीते जाने आहले संघर्ष विराम उल्लंघनें पर चर्चा करना हा। पुंछ दे राहे मिलन च होई दी इस मीटिंग च भारतीय सेना दा प्रतिनिधित्व 93 इंफेंटरी ब्रिगेड दे कमांडर मुदित महाजन होरें कीता।

<><><><><><>

Hizb Militant

जम्मू-कश्मीर च हिज्ब-उल-मुजाहिदीन दे इक फरार आतंकवादी गी रियासी जिले सोयां 18 सालें मगरा गिरफ्तार कीता गेआ ऐ। साहडे संवाददाता नै दस्सेआ जे पुलिस मूजब आतंकवादी अनवर अली बरे 2001 च हिज्ब-उल-मुजाहिदीन च शामिल होआ हा। हालांकि, ओहू बरे 2007 च आत्मसमर्पण मगरा अज्ञात थाहरें पर छपदा रेआ। ओहू दो आतंकी घटनाएं 5 जनवरी 2006 गी गोलीबारी दी घटना ते 7 अप्रैल 2006 गी रियासी च ग्रेनेड हमले च शामिल हा, जिसदे च इक पुलिस अधिकारी दे पिता दी मौत होई गेई ही ते चार होर घायल होई गए हे।

<><><><><><>

Announcement

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता यानि पीटीसी लेई दरखास्तां मंगियां गेइयां न। इच्छुक आवेदक जेहदी उमर 24 थमां 50 बरें दे बश्कार ऐ ते ओहू कठुआ जिले दा रौहने आहला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रेजुएशन ते पत्रकारिता च 2 बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंध्यत लोड़चदे उपकरणें वगैरा दा इस्तेमाल करना बी औना चाईदा। आवेदक जिला सदर दफ्तर दी 10 किलोमीटर दी हद्द दे अंदर-अंदर रौहदा होना चाईदा ऐ। दरखास्त ते

लोड़चदे दस्तावेजें दी कॉपी मेदवार गी क्षेत्रीय समाचार एकांश आकाशवाणी पंजतीर्थी जम्मू पिन कोड 180001
उप्पर 07 मार्च 2025 थवां पैहले-पैहले आइए दस्ती जमा करोआनी होग। इस बारै व्यापक जानकारी
आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

CS-Forestation

मुख्य सचिव अटल डुल्लू होरें 4 करोड़ शा मते रूख बूहटे लाइयै जंगलें दे पुर्नवास ते वनीकरण च तेजी आन्नने
लेई विज्ञानक कार्य योजना तैआर करने दा निर्देश दित्ते न। जायजा बैठक दरान मुख्य सचिव होरें झीलें ते वुलर
झील दे पुर्नवास दे महत्व उप्पर जोर पाया। उनें पूरे क्षेत्र च वन संरक्षण ते जैव बन्न सबन्नता दे जतनें गी होर
तगड़ा करने दी जरूरते पर बी जोर दित्ता। मुख्य सचिव होरें निर्देश दित्ते जे जम्मू कश्मीर च पर्यावरण दे स्थाबै
स्थिरता गी बढ़ावा दित्ता जा। उनें अधिकारिणं गी निर्देश दित्ता जे ओहू वेटलैंड्स दी जिमी दी बरोबर नशानदेई
यकीनी बनान। एहदे अलावा उनें एहू बी आखेआ जे इंदे सतत विकास लेई पानी दी गुणवत्ता च सुधार आहने दे
कन्नोकन्नी होरनें मुख्य कारकें ते पैरामीटरें च बी सुधार यकीनी बनाया जा।

<><><><><><>

NH

श्रीनगर राष्ट्रीय जरनैली शिडक गड्डिणं दी ओ जाई लेई अज्ज बडले बहाल होई गेई। एहू शिडक बिनाहल सैक्टर च
होई दी बर्फबारी ते मगरा हनी दी तलैट हली स्थिति करी गड्डिणं दी आओ जाई लेई एतियातन बंद करी दिती गेई
ही। एहू शिडक बीरवारें संजा 7 बजे गड्डिणं दी जाई लेई बंद करी दिती गेई ही। गड्डिणं दी आवा जाई अज्ज
बडलै 7 बजे शुरु होई गेई। अधिकारिणं मूजब जिया गै मौसम साफ होआ उयां गै शिडक थवा बर्फ गी हटाने लेई
मशीनें ते अमले गी लाया गेआ। सब्बनें थवा पैहले बत्ता फसी दी गड्डिणं गी जाने दी उजाजत दिती गेई। जम्मू
कश्मीर दिणं उच्चिणं धारें पर बुधवारें बर्फबारी होई ते मैदानी इलाकें च बरखा पेई। इस कन्ने प्रदेश च बने दे खुशक
मौसम थवा लोकें गी राहत हासिल होई।

<><><><><><>

Martyr-Capt. Tushar

शहीद कैप्टन तुषार महाजन हुंदा शहीदी दिवस अज्ज देशभक्ति दी भावना कन्नै मनाया गेआ। उधमपुर दे तुषार मोड़ च शहीद कैप्टन तुषार महाजन हुंदी मूर्ति पर श्रद्धांजलि दिक्ती गई जेदे च 9 पैरा दे अफसरें, सेना दे जवानें, उन्दे परोआर दे सदस्यें ते सिविल सोसायटी दे मते सारे लोकें शहीद गी पुष्पांजलि भेंट कीती। कैप्टन तुषार होरें फरवरी 2016 च कश्मीर दे पाम्पोर च आतंकवादी बरोधी अभियान दौरान सर्वोच्च बलिदान दिक्ता हा। अभियान दौरान उनें इक्क सरकारी ईमारत च छपे दे आतंकवादियें दा सफाया कीता हा। उन्दे बलिदान गी म्हेशां गै चेतता कीता जाग। आकाशवाणी समाचार कन्नै गल्ल करदे होई तुषार महाजन हुं'दे पिता देवराज ते उन्दे शिक्षक डॉ. विक्रम गुलाटी होरें आखेआ।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 23 फरवरी गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एहू 119मीं किश्त होग। एहू कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहूदे कन्नो कन्नी एहूदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग।

<><><><><><>

Poonch

पुंछ दे डिप्टी कमीशनर विकास कुंडल होरें टीबी दे मामले दी मजूदा स्थिति ते उपचार सरबन्धी दिशा निर्देशें दा जायजा लैने लेई डीसी दफ्तर परिसर च इक बैठक दी अध्यक्षता कीती। इस दरान टीबी दी बमारी दा समें उप्पर इलाज, बचाहू ते जागरूकता शिविरें दे महत्व पर जोर दिक्ता। डीसी होर टीबी मरीजें दी पोशण सरबन्धी मदाद लेई निक्षय मित्रें गी शामिल करने उप्पर बी जोर दिक्ता। 20 फरवरी थमां 31 मार्च तगर तपेदिक लेई चला'रदे

राश्ट्रीय स्तर दे सक्रीनिंग अभियान उप्पर बी बैठक च चर्चा कीती गई। बैठक च सीएमओ डॉ. परवेज अहमद खान हुंदे सनें होर दुए अधिकारिणं बी हिस्सा लैता।

<><><><><><>

Cricket

महिलाएं दे क्रिकेट प्रीमियर लीग च अज्जै दा मुकाबला रायल चैलेंजर्स बेंगलुरु ते मुम्बई इंडियन्स बश्कार बेंगलुरु च खेड्डेआ जाग। मैच संझा साड्डे 7 बजे शुरू होग। समृति मंधाना हुंदी अगुवाई च आर.सी.बी दी टीम इसलै अंक तालिक च सब्भनें शा उप्पर ऐ कीजे उन्नै हुनै तगर सब्बै मैच जित्ते न। जिस्सलै के हरमणप्रीत कौर दी अगुवाई आहली मुम्बई इंडियन्स इस्सलै त्री थाहर पर ऐ।

<><><><><><>
